




ՀԱՅԱՍՏԱՆԻ ԱՌԱՔՅԱԼ Ս. ԲԱՐԹՈՂԻՄԵՈՍԻ ԱԾՅՈՒՆԸ
ՊԱՐՈՒՆԱԿՈՂ ՄԵԾԱԴԻՐ ԽԱՉԻ ՀԱՆԴԻՍԱՎՈՐ
ՀԱՆՁՆՈՒՄԸ ՄԱՅՐ ՏԱԾԱՐԻՆ

Հունիսի 28-ին, կիրակի: Մայր տաճարում հանդիսավոր և պատարագ է մատուցում Ռուստովի հայոց եկեղեցու հոգևոր հովիվ տ. Գրիգորիս արեղա Բունիաթյանը:


Մայր տաճարը լիքն է ուխտավոր և հավատացյալ բազմությամբ: Աջակողմյան և ձախակողմյան դասերում տեղ են գրավել Մայր Աթոռի միաբանները, Գերագույն հոգևոր խորհրդի անդամները, մայրավանքի պաշտոնությունը և այլ հրավիրյալներ:

Այսօր տոնական, բացառիկ օր է Մայր Աթոռի համար:

Ժամը 12-ին Վեհափառ Հայրապետը եկեղեցական թափոքով առաջնորդվում է Մայր տաճար:

Ս. պատարագը շարունակվում է մինչև «Հայր մեր»:

Վեհափառ Հայրապետը առաջնորդվում է Ավագ սեղան: Վեհ ու տոնական հնչում են զանգերը: Մայր տաճարի կամարների տակ թնդում է «Ուրախ լեր, սուրբ եկեղեցի» շարականը: Տ. Հուսիկ եպիսկոպոսը հանդիսավորապես «վերբերում է» Հայաստանի Առաքյալ ս. Բարթողիմեոսի աճյունը պարունակող մեծադիր խաչը Ավագ սեղան: Վեհափառ Հայրապետը խնկարկում է և, ընդունելով Առաքյալի աճյուն-խաչը, այն հանդիսավորությամբ հանձնում է Մայր տաճարի լուսարարապետ տ. Հայկազուն արքեպ. Աբրահամյանին՝ կարգադրելով, որ գետեղվի Ավագ սեղանի վրա և այնտեղ պահվի 40 օրեր, «լուխտ և յերկրպագությոն հառատացելոց», և ապա փոխադրվի Մայր տաճարի եկեղեցական սրբությունների խորանը և գուրգուրանքով պահպանվի՝ Մայր տաճարում գտնվող ս. Բարթողիմեոս Առաքյալի ս. Աջի և մյուս մատուցների կողքին:



ՀԱՅԱՍՏԱՆԻ ԱՌԱՔՅԱԼ Ս. ԲԱՐԹՈՂԻՄԵՈՍԻ ՄԱՍՈՒՆՔԸ

Ս. Բարթողիմեոս Առաքյալի անունը պարունակող մեծադիր խաչի հանձնումից հետո, Վեհափառ Հայրապետը քարոզում է՝ մայիսի 8—12 օրերին Հոռոմում Սրբազան Քահանայապետին տված Իր պաշտոնական այցելության հոգևոր, եկեղեցական և պատմական նշանակությամբ մասին՝ շեշտելով, որ այդ այցելությամբ մեր օրերին մի նոր էջ բացվեց հայ և կաթոլիկ եկեղեցիների տարեգրությանց մեջ, քրիստոնեական ընդհանրական եկեղեցու սուրբ առաքելության, Աստծու փառքի, մարդկանց բարօրության և աշխարհի խաղաղության համար:



Ս. Էջմիածնի Մայր տաճարում Վեհափառ Հայրապետը օրհնում է հավատացյալ ժողովրդին՝
ս. Բարթողիմեոս Առաքյալի մատուցի խաչով

Իր ոգեշունչ քարոզի մեջ Հայոց Հայրապետը հաղորդելով Հոռոմի ս. Պետրոս տաճարի և Սրբազան Քահանայապետի քրիստոնեական սիրո ողջույնը, խոսում է նաև Հայաստանի Առաքյալ ս. Բարթողիմեոսի անունը պարունակող մեծադիր խաչի հանձնման արարողության հոգևոր և պատմական նշանակության մասին՝ մեր եկեղեցու համար, և օրհնում սուրբ մատուց-խաչով բազմահազար հավատացյալներին, որոնք լցրել էին Մայր տաճարը և մայրավանքի շրջակայքը: